

	<h1>SLUŽBENE NOVINE OPĆINE GORAŽDE</h1>	
<b>Godina VII</b>	<b>03. mart 2014. godine GORAŽDE</b>	<b>Broj 2</b>

**1148**

Na osnovu člana 18. i 84. Statuta Općine Goražde („Službene novine Bosansko- podrinjskog kantona Goražde“, broj: 13/07) i člana 119. Poslovnika Općinskog vijeća Općine Goražde („Službene novine Općine Goražde“, broj: 2/08), Općinsko vijeće Općine Goražde na **15.** redovnoj sjednici, održanoj **27.02.2014.** godine, **d o n o s i**

#### **ODLUKU**

#### **o izmjeni Odluke o javnim priznanjima Općine Goražde**

##### **Član 1.**

U Odluci o javnim priznanjima Općine Goražde („Službene novine Općine Goražde“, broj: 5/10), u članu 6. drugi stav mijenja se i glasi: „U jednoj godini može se dodijeliti najviše tri javna priznanja „Počasni građanin Općine Goražde“.

##### **Član 2.**

U članu 9. drugi stav mijenja se i glasi: „U jednoj godini mogu se dodijeliti najviše tri javna priznanja „Zlatna plaketa Općine Goražde“.

##### **Član 3.**

U članu 10. drugi stav mijenja se i glasi: „U jednoj godini mogu se dodijeliti najviše tri javna priznanja „Srebrna plaketa Općine Goražde“.

##### **Član 4.**

U članu 13. drugi stav mijenja se i glasi: „U jednoj godini mogu se dodijeliti najviše tri javna priznanja „Prijatelj/Prijateljica Općine Goražde“.

##### **Član 5.**

U članu 13. stav 1. iza riječi „Festival prijateljstva“ umjesto slova „i“ treba upisati riječ „ili“.

##### **Član 6.**

U članu 20. stav 1. alineja 5. riječi „tijela mjesnih zajednica“ zamjenjuju se riječima „savjeti mjesnih zajednica“.

##### **Član 7.**

U članu 21. produžava se rok za podnošenje prijedloga tako da alineja 2. glasi: „rok za podnošenje prijedloga, koji ne može biti kraći od 45 dana“.

##### **Član 8.**

U članu 30. riječ „predsjednik-ca“ zamjenjuje se riječju „predsjedavajući-a“.

##### **Član 9.**

Ova Odluka stupa na snagu osam dana od dana objavljivanja u „Službenim novinama Općine Goražde“.

Broj: 01-02-1-940

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković

**1149**

Na osnovu člana 18. Statuta Općine Goražde („Službene novine Bosansko – podrinjskog kantona Goražde“, broj:13/07) i člana 16. Odluke o komunalnom redu („Službene novine Općine Goražde“, broj: 4/13), Općinsko vijeće Općine Goražde na **15.** redovnoj sjednici, održanoj dana **27.02.2014.** godine, **d o n o s i**

#### **ODLUKU**

#### **o utvrđivanju naziva mosta preko rijeke Drine u naselju Osanica**

##### **Člana 1.**

Ovom Odlukom utvrđuje se naziv mosta preko rijeke Drine u naselju Osanica.

**Član 2.**

Mostu iz člana 1. ove Odluke daje se naziv „Most branilaca Osanice“.

**Član 3.**

Obavezuje se Služba za prostorno uređenje, stambeno- komunalne poslove i raseljena lica Općine Goražde da, u roku od 30 dana od dana stupanja na snagu ove Odluke, izvrši nabavku i postavljanje tabli sa natpisom Mosta.

**Član 4.**

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-941

Goražde, 27.02.2014. godine

**PREDSJEDAVALA VIJEĆA**

Jelena Mirković

**1150**

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde“ broj: 13/07) i člana 36. Odluke o izvršenju Budžeta Općine Goražde za 2014. godinu („Službene novine Općine Goražde“ broj: 10/13.), Općinsko vijeće Općine Goražde na **15.** redovnoj sjednici, održanoj dana **27.02.2014.** godine,  
**d o n o s i:**

**O D L U K U**

**o usvajanju Programa utroška novčanih sredstava planiranih Budžetom Općine Goražde za 2014. godinu, na poziciji Izdaci za vojne invalide, ranjene borce i porodice poginulih boraca (boračke populacije) – Ekonomski kod 614-232 i na poziciji Beneficije za socijalnu zaštitu – Ekonomski kod 614-231.**

**Član 1.**

Ovom Odlukom usvaja se Program utroška, korisnici, kriteriji i postupak dodjele novčanih sredstava na poziciji Izdaci za vojne invalide, ranjene borce i članove porodica poginulih boraca (boračke populacije) i na poziciji Beneficije za socijalnu zaštitu, planiranih u Budžetu Općine Goražde za 2014. godinu („Službene novine Općine Goražde“ broj: 10/13.).

**Član 2.**

Budžetom Općine Goražde za 2014. godinu sredstva iz člana 1. ove Odluke utvrđena su u ukupnom iznosu od 122.000,00 KM – i to 81.000,00 KM na poziciji Izdaci za vojne invalide, ranjene borce i članove porodica poginulih boraca (boračke populacije), ekonomski kod 614-232 i 41.000,00 KM

na poziciji Beneficije za socijalnu zaštitu, ekonomski kod 614-231.

**Član 3.**

Period realizacije Programa je 12 mjeseci, od 01.01.2014. do 31.12.2014. godine.

**PROGRAM UTROŠKA, KORISNICI, KRITERIJI I POSTUPAK DODJELE NOVČANIH SREDSTAVA NA POZICIJI IZDACI ZA VOJNE INVALIDE, RANJENE BORCE I ČLANOVE PORODICA POGINULIH BORACA (BORAČKE POPULACIJE):**

**Član 4.**

**Korisnici sredstava:**

1. Organizacija porodica šehida BPK-a i članovi porodice poginulog borca;
2. Savez RVI „Sinovi Drine“ BPK-a i vojni invalidi;
3. Udruženje demobilisanih boraca BPK-a i demobilisani borci;
4. Savez dobitnika najvećih ratnih priznanja BPK-a i nosioci najvećih ratnih priznanja;
5. Udruženje „Svjetlost Drine“ Goražde i članovi Udruženja;
6. Druga udruženja iz reda boračkih populacija i članovi tih udruženja i
7. Mjesne zajednice, za aktivnosti obilježavanja značajnih datuma, mjesta i događaja.

**Član 5.**

**Cilj i svrha Programa**

Cilj Programa je da se planirana budžetska sredstva u 2014. godini u iznosu od 81.000,00 KM, na poziciji Izdaci za vojne invalide, ranjene borce i porodice poginulih boraca (boračke populacije), planski i transparentno utroše, u skladu sa Odlukom o izvršenju Budžeta Općine Goražde za 2014. godinu.

Planirana sredstva namjenski će se trošiti za:

- Pomoć u realizaciji programa, projekata i aktivnosti od značaja za udruženja boračkih populacija, poboljšanje položaja članova udruženja i poboljšanje ambijenta za život i rad boračkih populacija;
- Pomoć u liječenju boračkih populacija i članova njihovih porodica;
- Jačanje opće svijesti i potrebe poštivanja historijski važnih događaja i ličnosti i očuvanje i zaštita tradicionalnih historijskih događaja, kao i organizovanja kulturnih i sportskih aktivnosti i
- Jednokratne novčane pomoći licima iz reda boračkih populacija, koja se nađu u stanju socijalne potrebe, za nabavku osnovnih životnih namirnica, školovanja djece,

stambenih pitanja, troškovi dženaze-sahrane itd.

### Član 6.

Ovaj plan je donesen na osnovu pokazatelja izvršenja i utroška planiranih novčanih sredstava u 2013. godini za ove namjene, uz saglasnost predstavnika temeljnih boračkih udruženja.

Sredstva iz člana 2. ove Odluke u iznosu od 81.000,00 KM na poziciji Izdaci za vojne invalide, ranjene borce i članove porodica poginulih boraca (boračke populacije) raspoređuju se za sljedeće namjene:

I 33.600,00 KM- sufinansiranje rada i aktivnosti temeljnih udruženja boračkih populacija i Udruženja „Svjetlost Drine“,

II 14.500,00 KM - pomoć u liječenju i nabavci lijekova za boračke populacije,

III 13.400,00 KM -obilježavanje značajnih datuma, mjesta, događaja i ličnosti, kulturnih i sportskih aktivnosti, izgradnja i održavanje spomen-obilježja, i podrška zahtjevima, programima i projektima udruženja boračkih populacija i mjesnih zajednica,

IV 14.500,00 KM -jednokratne novčane pomoći licima iz reda boračkih populacija koja se nalaze u teškoj materijalnoj situaciji i

V 5.000,00 KM- neplanirani troškovi.

### Član 7.

**Korisnici, kriteriji i postupak dodjele sredstava prema Planu iz člana 6. ove Odluke:**

**I Sufinansiranje rada i aktivnosti temeljnih udruženja boračkih populacija i Udruženja „Svjetlost Drine“ u 2014. godini - iznos sredstava 33.600,00 KM:**

**a). Korisnici sredstava:**

Pravo na dodjelu ovih sredstava ostvaruju četiri temeljna udruženja koja imaju sjedište na teritoriji Općine Goražde i Udruženje „Svjetlost Drine“ Goražde i ista se raspoređuju na sljedeći način:

- 9.000,00 KM Organizaciji porodica šehida i poginulih boraca BPK-a Goražde,
- 9.000,00 KM Savezu RVI „Sinovi Drine“ BPK-a Goražde,
- 6.000,00 KM Udruženju demobilisanih boraca BPK-a Goražde,
- 6.000,00 KM Savezu dobitnika najvećih ratnih priznanja „Zlatni ljiljan“.
- 3.600,00 KM Udruženju „Svjetlost Drine“ Goražde.

**b). Kriteriji za dodjelu novčanih sredstava:**

Kriteriji za dodjelu sredstava su dostavljanje Godišnjeg plana rada sa finansijskim pokazateljima i dostavljanje mjesečnih izvještaja korisnika sredstava Službi za boračko-invalidsku i socijalnu zaštitu o namjenski utrošenim sredstvima iz prethodnog mjeseca.

**c). Postupak dodjele novčanih sredstava:**

Sa korisnicima sredstava Načelnik Općine Goražde sačiniti će ugovor o namjenskom prenosu sredstava, koji će biti obavezni i implementirati sredstva u skladu sa zakonskim i podzakonskim propisima i planom rada. Po potpisanom ugovoru, sredstva će se dodjeljivati na prijedlog Službe za boračko- invalidsku i socijalnu zaštitu, kao redovne tranše u mjesečnim iznosima, ravnomjerno raspoređenim prema planu raspodjele.

**II Pomoć u liječenju i nabavci lijekova boračkim populacijama u 2014. godini - iznos sredstava 14.500,00 KM.**

**a). Korisnici sredstava:**

Pomoć za liječenje mogu ostvariti pripadnici boračkih populacija i uži članovi porodice koji imaju prebivalište na teritoriji Općine Goražde i koji se nalaze u teškoj materijalnoj situaciji ili sa minimalnih prihodima koji nisu dovoljni za pokriće troškova liječenja ili nabavku lijekova, a da to isto pravo nisu ostvarili po programima Federalnog i Kantonalnog ministarstva za boračka pitanja, Zavoda za zdravstveno osiguranje ili ih ne mogu ostvariti kod drugih institucija.

**b). Posebni kriteriji za dodjelu novčanih sredstava:**

Sredstva za liječenje i nabavku lijekova mogu ostvariti lica iz reda boračkih populacija koja nisu u radnom odnosu, koja se ne bave samostalnom djelatnošću, koja su teško oboljela i čije liječenje traje duži period i obavlja se bolnički, u ili van Bosansko-podrinjskog kantona Goražde. Prioritet za dodjelu sredstava imaju lica u slučaju teških bolesti kao što su: maligna oboljenja, hirurške intervencije, oboljenje centralnog nervnog sistema, oboljenje srca, oboljenje mišičnog sistema, paralize i druga teška oboljenja.

**c). Postupak dodjele novčanih sredstava:**

Pripadnici boračkih populacija mogu ostvariti pravo na pomoć u liječenju i nabavci lijekova podnošenjem obrazloženog pismenog zahtjeva Službi za boračko- invalidsku i socijalnu zaštitu sa

dokumentacijom iz koje se može vidjeti da ispunjavaju posebne kriterije iz ove Odluke i to: dokaz o pripadnosti boračkoj populaciji, dokaz o broju članova porodice (kućna lista), dokaz o prihodima punoljetnih članova porodice, medicinska dokumentacija sa propisanim terapijom, eventualnim računima o troškovima liječenja i eventualne preporuke udruženja boračkih populacija ili drugih institucija, kao i dokaz da nisu ostvarili pravo na troškove liječenja i nabavku lijekova putem drugih institucija.

Dodjelu sredstava vrši Načelnik Općine Goražde na prijedlog Službe za boračko-invalidsku i socijalnu zaštitu ili mišljenja Komisije koja razmatra podnesene zahtjeve.

Jednokratna novčana pomoć za liječenje može se dodijeliti jedanput u toku jedne kalendarske godine, a u izuzetnim slučajevima, dva puta na prijedlog Komisije koja razmatra zahtjev. Maksimalni iznos novčanih sredstava, koji se može odobriti po jednom zahtjevu, je do 500,00 KM, a u posebnim slučajevima, kada se radi o težim oboljenjima i dugotrajnom liječenju, na prijedlog Službe za boračko- invalidsku i socijalnu zaštitu i Komisije i do 2.000,00 KM.

### **III Obilježavanje značajnih datuma, mjesta, događaja i ličnosti, kulturnih i sportskih manifestacija, izgradnja i održavanje spomen-obilježja i podrška zahtjevima, programima i projektima boračkih udruženja i mjesnih zajednica u 2014. godini - iznos sredstava 13.400,00 KM.**

#### **a). Korisnici sredstava:**

Pravo na dodjelu sredstava mogu ostvariti udruženja boračkih populacija koja su registrovana i imaju sjedišta na teritoriji Općine Goražde, mjesne zajednice i organizacioni odbori koji su formirani za obilježavanje značajnih događaja.

#### **b). Kriteriji za dodjelu novčanih sredstava:**

Sredstva se mogu dodijeliti po osnovu podnesenog zahtjeva, programa ili projekta Službi za boračko- invalidsku i socijalnu zaštitu, a zahtjev mora biti obrazložen i priložena potrebna dokumentacija sa finansijskim planom o ukupnim troškovima i izvorima sredstava.

Dodjela sredstava može se odobriti udruženjima boračkih populacija, mjesnim zajednicama i licima čije zahtjeve Komisija ocijeni opravdanim i ako se tim zahtjevom ili projektom doprinosi:

- razvoju i afirmaciji Općine Goražde, udruženja ili člana tog udruženja,
- da se zahtjevom ili projektom unapređuju kulturni, sportski ili drugi oblici saradnje ili da se poboljšavaju životni uslovi boračkih populacija.

Sredstva po ovom osnovu ne mogu ostvariti udruženja, mjesne zajednice i organizacioni odbori koji su dobijali sredstva za svoje zahtjeve ili projekte u prethodnom periodu, a da nisu namjenski utrošili sredstva ili nisu dostavili izvještaj o namjenski utrošenim dobivenim sredstvima.

#### **c). Postupak dodjele novčanih sredstava:**

Sredstva se dodjeljuju na osnovu pismeno podnesenog zahtjeva, programa ili projekta Službi za boračko- invalidsku i socijalnu zaštitu, koji mora biti obrazložen i sa potpunom dokumentacijom u prilogu, iz koje se može vidjeti opravdanost zahtjeva, programa ili projekta sa finansijskim pokazateljima, izvorom sredstava i ukupnim sredstvima koja su potrebna za realizaciju određenog zahtjeva ili projekta. Zahtjevi i projekti moraju biti potpisani od upravnih organa, udruženja ili mjesnih zajednica.

Maksimalni iznos novčanih sredstava po jednom zahtjevu, programu ili projektu je do 2.000,00 KM, a u izuzetnim slučajevima, ako se radi o projektu koji iziskuje veća finansijska sredstva, može se dodijeliti do 5.000,00 KM.

Sredstva odobrava Načelnik Općine Goražde na pismeni prijedlog Službe za boračko-invalidsku i socijalnu zaštitu ili po mišljenju Komisije koja razmatra prispjele zahtjeve.

### **IV Jednokratne novčane pomoći licima iz reda boračkih populacija koja se nalaze u teškoj materijalnoj situaciji u 2014. godini - iznos sredstava 14.500,00 KM.**

#### **a). Korisnici sredstava:**

Pravo na dodjelu sredstava mogu ostvariti lica iz reda boračkih populacija koja se nalaze u stanju socijalne potrebe i koja imaju prebivalište na području Općine Goražde.

#### **b). Kriteriji za dodjelu novčanih sredstava:**

Pripadnici boračkih populacija mogu ostvariti jednokratnu novčanu pomoć ako se podnosilac zahtjeva i članovi uže porodice ne nalaze u radnom odnosu, ako imaju redovna mjesečna primanja po drugom osnovu koja ne mogu zadovoljiti osnovne životne potrebe, ako su nesposobni za rad ili zbog bolesti onemogućeni da rade, ako su radno sposobni i nemaju u vlasništvu obradivo poljoprivredno zemljište ili automobil.

Jednokratna pomoć se može ostvariti jednom u toku godine, a u izuzetnim slučajevima dva puta, na prijedlog Komisije koja ocijeni opravdanost zahtjeva.

**c). Postupak dodjele novčanih sredstava:**

Sredstva se dodjeljuju na osnovu podnesenog zahtjeva od strane lica iz reda boračkih populacija, udruženja boračkih populacija i mjesnih zajednica ako podnose zahtjev za jednokratnu novčanu pomoć u ime svojih članova. Zahtjev mora biti obrazložen i dostavljena dokumentacija kao prilog iz koje se može vidjeti opravdanost zahtjeva. Potrebna dokumentacija koja se prilaže uz zahtjev je: dokaz o pripadnosti boračkoj populaciji, dokaz o broju članova porodice – kućna lista, dokaz da podnosilac zahtjeva i punoljetni članovi njegove porodice nisu u radnom odnosu, dokaz o primanjima punoljetnih članova porodice (Centar za socijalni rad, PIO i Porezna uprava), dokaz da podnosilac zahtjeva i punoljetni članovi porodice koji su radno sposobni ne posjeduju automobil i obradivo zemljište.

Sredstva se mogu dodijeliti za nabavku životnih namirnica, ogrjeva, školovanje djece, nabavku odjeće i obuće, za pomoć u rješavanju stambenih pitanja, da bi se obezbjedili minimalni stambeni uslovi za život porodice podnosioca zahtjeva i pokriće dijela troškova sahrane- dženaze umrlih članova porodice.

Maksimalni iznos novčanih sredstava je do 200,00 KM po jednom zahtjevu za egzistencijalne potrebe i do 500,00 KM za pomoć u rješavanju stambenih pitanja i pokrića troškova sahrane- dženaze umrlih.

Sredstva odobrava Načelnik Općine Goražde na pismeni prijedlog Službe za boračko-invalidsku i socijalnu zaštitu ili Komisije koja razmatra prispjele zahtjeve i daje svoje mišljenje o opravdanosti zahtjeva

**V Neplanirani troškovi u 2014. godini  
-Iznos sredstava 5.000,00 KM****a) Korisnici sredstava:**

Korisnici ovih sredstava su lica i porodice iz reda boračkih populacija gdje je potrebno hitno reagovati kako bi se prevazišli određeni problemi, kao što su: hitno liječenje u slučaju iznenadne bolesti, smrtni slučajevi, obilazak porodica boračkih populacija, rješavanje stambenih pitanja, školovanje članova porodice, eventualni troškovi rada Komisije i druge izvanredne situacije.

Maksimalni iznos novčanih sredstava po jednom prijedlogu je do 500,00 KM.

**b) Postupak dodjele novčanih sredstava**

Novčana sredstva se dodjeljuju na prijedlog Službe za boračko- invalidsku i socijalnu zaštitu Općine Goražde, a po odobrenju Načelnika Općine. Inicijativu za

dodjelu novčanih sredstava po ovom osnovu mogu dati udruženja iz reda boračkih populacija, Centar za socijalni rad, mjesne zajednice, Načelnik Općine, Služba i drugi, ukoliko su mišljenja da je određeno lice ili porodica u teškoj situaciji i da treba odmah intervenirati.

Pomoć ovim licima vršit će se dodjelom novčanih sredstava ili paketa sa osnovnim životnim namirnicama i ista će se uručivati prilikom kućne posjete u vidu hedija ili isplaćivati putem blagajne.

**PROGRAM UTROŠKA I KORISNICI  
NOVČANIH SREDSTAVA NA POZICIJI  
BENEFICIJE ZA SOCIJALNU ZAŠTITU****Član 8.****Korisnici sredstava**

Korisnici novčanih sredstava na poziciji Beneficije za socijalnu zaštitu su:

1. Fizička lica koja su u stanju socijalne potrebe;
2. Pravna lica čija je djelatnost socijalna zaštita i
3. Majke/porodilje novorođenog djeteta.

**Član 9.****Cilj i svrha**

Cilj Programa je da se planirana budžetska sredstva u 2014. godini u iznosu od 41.000,00 KM, na poziciji Beneficije za socijalnu zaštitu, planski i transparentno utroše, u skladu sa Odlukom o izvršenju Budžeta Općine Goražde za 2014. godinu.

Svrha Programa je pomoć licima koja se nađu u stanju socijalne potrebe, pomoć u liječenju, pomoć u nabavi osnovnih životnih namirnica, pomoć pravnim licima za obavljanje osnovne djelatnosti, kao i pomoć majci/porodilji novorođenog djeteta u svrhu povećanja nataliteta.

**Član 10.****Plan raspodjele sredstava**

Planirana sredstva u iznosu od 41.000,00 KM raspoređuju se na osnovu pokazatelja o utrošku novčanih sredstava u 2013. godini i to na sljedeći način: 20.000,00 KM - jednokratne novčane pomoći fizičkim i pravnim licima i porodicama korisnika stalne novčane pomoći za troškove dženaze- sahrane 21.000,00 KM - jednokratne novčane pomoći majci/porodilji novorođenog djeteta.

**Član 11.****Kriteriji i postupak dodjele novčanih sredstava**

Novčana sredstva na poziciji Beneficije za socijalnu zaštitu dodjeljivat će se prema Planu raspodjele, a prema postupku i kriterijima utvrđenim u odlukama Općinskog vijeća Općine Goražde i to:

- Jednokratne novčane pomoći pravnim i fizičkim licima i porodicama korisnika stalne novčane pomoći za troškove dženaze- sahrane, prema Odluci o utvrđivanju kriterija za dodjelu novčanih sredstava o kojima odlučuje Načelnik Općine („Sl. novine BPK-a Goražde“ broj: 17/04) i
- Jednokratne novčane pomoći majci/porodilji prema Odluci o dodjeli jednokratne novčane pomoći majci/porodilji novorođenog djeteta („Sl. novine Općine Goražde“ broj: 1/13).

**Član 12.**

Načelnik Općine Goražde imenuje Komisiju za razmatranje zahtjeva fizičkih i pravnih lica za dodjelu sredstava po ovoj Odluci.

Komisija uvidom u priloženu dokumentaciju, utvrđivanjem činjenica na licu mjesta ili na neki drugi način cijeni opravdanost svakog zahtjeva pojedinačno i o tome sastavlja zapisnik o bitnim činjenicama i na osnovu kriterija iz Odluke uz primjenu zakonskih propisa koji regulišu boračko- invalidsku i socijalnu zaštitu, daje svoje mišljenje.

**Član 13.**

Za provođenje ove Odluke zadužuje se Načelnik Općine Goražde, Služba za boračko- invalidsku i socijalnu zaštitu i Služba za finansije, trezor i privredu, svako u okviru svoje nadležnosti.

**Član 14.**

Načelnik Općine Goražde, u skladu sa članom 18. Odluke o izvršenju Budžeta Općine Goražde za 2014. Godinu, zbog neusklađenosti prihoda i rashoda sredstava u toku budžetske godine može obustaviti izvršenje pojedinih rashoda i izmijeniti dinamiku doznake sredstava po pojedinim stavkama iz ove Odluke.

**Član 15.**

O utrošku sredstava dodijeljenih po osnovu ove Odluke, Služba za boračko- invalidsku i socijalnu zaštitu podnosi izvještaj Načelniku Općine Goražde i Općinskom vijeću.

**Član 16.**

Ova Odluka stupa na snagu 8. (osmog) dana od dana objavljivanja u Službenim novinama Općine Goražde.

Broj: 01-02-1-942.

Goražde, 27.02.2014. godine.

**PREDSJEDAVALA VIJEĆA**

Jelena Mirković

**1151**

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde”, broj:13/07), i člana 36. Odluke o izvršenju Budžeta Općine Goražde za 2014. godinu („Službene novine Općine Goražde”, broj:10/13) Općinsko vijeće Općine Goražde, na 15. redovnoj sjednici, održanoj dana **27.02. 2014.** godine, donosi:

**ODLUKU**

**o usvajanju Programa utroška finansijskih sredstava Budžeta Općine Goražde sa ekonomskog koda 614 117 – Tekući transferi mjesnim zajednicama za 2014. godinu, u ukupnom iznosu od 50.000,00 KM**

**Član 1.**

Ovom Odlukom usvaja se Program utroška finansijskih sredstava Budžeta Općine Goražde sa ekonomskog koda 614 117 – Tekući transferi mjesnim zajednicama za 2014. godinu, u ukupnom iznosu od 50.000,00 KM.

**Član 2.**

Sredstva iz člana 1. ove Odluke isplatit će se na teret Budžeta Općine Goražde, ekonomski kod 614 117 – Tekući transferi mjesnim zajednicama u 2014. godini u iznosu od 50.000,00 KM.

**Član 3.**

Dodjelu novčanih sredstava odobrava Načelnik Općine na prijedlog Službe za civilnu zaštitu i mjesne zajednice.

**Član 4.**

Za provedbu ovog Programa zadužuje se Načelnik Općine i Služba za civilnu zaštitu i mjesne zajednice.

**Član 5.**

O utrošku finansijskih sredstava iz člana 1. ove Odluke Načelnik Općine podnosi izvještaj Općinskom vijeću.

**Član 6.**

Program iz člana 1. ove Odluke je sastavni dio ove Odluke.

**Član 7.**

Ova Odluka stupa na snagu osam dana od dana objavljivanja u "Službenim novinama Općine Goražde".

Broj: 01-02-1-943

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković

**1152**

Na osnovu člana 25. Zakona o građevinskom zemljištu FBiH ("Službene novine Federacije Bosne i Hercegovine" broj: 25/03), člana 18. i 84. Statuta Općine Goražde ("Službene novine Bosansko-podrinjskog kantona Goražde" broj: 13/07) i zahtjeva Pozderović Abide iz Goražda, Općinsko vijeće Općine Goražde na **15.** redovnoj sjednici, održanoj dana **27.02.2014.** godine, **d o n o s i:**

**Z A K L J U Č A K****Član 1.**

**ODBIJA SE** ponuda Pozderović (Mehmeda) Abide rođ. Krtićić iz Goražda za preuzimanje neizgrađenog gradskog građevinskog zemljišta u državnoj svojini, koje je u katastarskom operatu označeno kao k.č. 1154, zv. "Pozderovina", po kulturi njiva 3. klase, u površini od 300 m<sup>2</sup>, dijela k.č. 1555/5, zv. "Pozderovina", po kulturi voćnjak 1. klase, u površini od 250 m<sup>2</sup>, koje su sve upisane u P.I. br. 538, K.o. Goražde II, na ime Pozderović (Mehmeda) Abide rođ. Krtićić, sa 1/1 dijela posjeda, prema označenoj granici građevinske parcele na kopiji katastarskog plana broj: 07-30-3-25G/2013-1 od 24.05.2013. godine, koja je sastavni dio ovog akta, jer ne postoji interes Općine Goražde da koristi prvenstveno pravo preuzimanja navedenog građevinskog zemljišta, obzirom na njegovu namjenu.

**Član 2.**

Podnosilac zahtjeva ne može izvršiti otuđenje građevinskog zemljišta iz člana 1. ovog Zaključka ispod ponuđene cijene u iznosu od 11.000 KM za površinu od 550 m<sup>2</sup>, o čemu će se starati Porezna uprava, Kantonalni ured Goražde – Ispostava Goražde, kao mjesno nadležni organ uprave.

**Član 3.**

Zadužuje se Služba za geodetske, imovinsko-pravne poslove i katastar nekretnina Općine Goražde da ovaj Zaključak dostavi nadležnom organu iz člana 2. ovog Zaključka.

**Član 4.**

Ovaj Zaključak stupa na snagu narednog dana od dana donošenja.

Broj: 01-02-1-944

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković

**1153**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **15.** redovnoj sjednici, održanoj dana **27.02.2014.** godine, **d o n o s i:**

**Z A K L J U Č A K**

1. Analiza stanja u oblasti zaštite od požara i vatrogastva na području Općine Goražde u 2013. godini, prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-948

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković

**1154**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **15.** redovnoj sjednici, održanoj dana **27.02.2014.** godine, **d o n o s i:**

**Z A K L J U Č A K**

1. Informacija o putovanju delegacije Općine Goražde u Saudijsku Arabiju, prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-949

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković

**1155**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **15.** redovnoj sjednici, održanoj dana **27.02.2014.** godine, **d o n o s i:**

**Z A K L J U Č A K**

1. Utvrđuje se Nacrt Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području Općine Goražde.
2. Nacrt Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području Općine Goražde može poslužiti kao osnova za izradu prijedloga Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području Općine Goražde sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
3. Nacrt Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području Općine Goražde upućuje se na javnu raspravu koja će se organizovati i provesti na način i po planu koji će utvrditi Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline.
4. Javnu raspravu provest će Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline, uz saradnju Službe za finansije, trezor i privredu.
5. O rezultatima javne rasprave Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline, podnijet će izvještaj Općinskom vijeću sa iznesenim primjedbama i mišljenjima o pojedinim pitanjima.
6. Rok za provođenje javne rasprave je do 60 dana.
7. Zaključak stupa na snagu danom donošenja, a bit će objavljen u „Službenim novinama Općine Goražde”.

Broj: 01-05-1-946

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković

**1156**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **15.** redovnoj sjednici, održanoj dana **27.02.2014.** godine, **d o n o s i:**

**Z A K L J U Č A K**

1. Utvrđuje se Nacrt Odluke o odvodnji otpadnih voda na području Općine Goražde.
2. Nacrt Odluke o odvodnji otpadnih voda na području Općine Goražde može poslužiti kao osnova za izradu prijedloga Odluke o odvodnji otpadnih voda na području Općine Goražde sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
3. Nacrt Odluke o odvodnji otpadnih voda na području Općine Goražde upućuje se na javnu raspravu koja će se organizovati i provesti na način i po planu koji će utvrditi Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline.
4. Javnu raspravu provest će Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline, uz saradnju Službe za finansije, trezor i privredu.
5. O rezultatima javne rasprave Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline, podnijet će izvještaj Općinskom vijeću sa iznesenim primjedbama i mišljenjima o pojedinim pitanjima.
6. Rok za provođenje javne rasprave je do 60 dana.
7. Zaključak stupa na snagu danom donošenja, a bit će objavljen u „Službenim novinama Općine Goražde”.

Broj: 01-05-1-945

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković



**1157**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **15.** redovnoj sjednici, održanoj dana **27.02.2014.** godine, **d o n o s i:**

**Z A K L J U Č A K**

1. Prihvata se dopis Ministarstva za urbanizam, prostorno uređenje i zaštitu okoline Bosansko- podrinjskog kantona Goražde u vezi sa prezentacijom Prostornog plana BPK-a Goražde, te se od Ministarstva očekuje da u narednim danima odredi datum prezentacije na kojoj će biti prisutni vijećnici Općinskog vijeća Općine Goražde.
2. Izjašnjavanje po tački „Davanje mišljenja na Prostorni plan za područje Bosansko-podrinjskog kantona Goražde za period 2008.-2028. godine“ koja je bila na dnevnom redu **15.** redovne sjednice Vijeća, odgađa se za narednu sjednicu Vijeća, nakon što bude održana prezentacija Prostornog plana.

Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-950

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković

**1158**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **15.** redovnoj sjednici, održanoj dana **27.02.2014.** godine, **d o n o s i:**

**Z A K L J U Č A K**

1. Usvaja se Izvještaj o realizaciji Zaključaka sa prethodne 14. redovne sjednice Vijeća.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-947

Goražde, 27.02.2014. godine

**PREDSJEDAVAJUĆA VIJEĆA**

Jelena Mirković

1159

**BOSNA I HERCEGOVINA  
FEDERACIJA BOSNE I HERCEGOVINE  
BOSANSKO-PODRINJSKI KANTON  
OPĆINA GORAŽDE  
NAČELNIK OPĆINE**



**BOSNIA AND HERZEGOVINA  
FEDERATION OF BOSNIA AND HERZEGOVINA  
BOSNIAN-PODRINJE CANTON  
GORAŽDE MUNICIPALITY  
MUNICIPALITY MAYOR**

Broj: 02-05 -2-580 /2014  
Goražde, 06.02.2014.godine

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03; 34/03 i 65/13), člana 25. stava 3. Statuta JP "Veterinarska stanica" d.o.o. Goražde ( "Službene novine Općine Goražde", broj 8/09) i člana 35. Statuta Općine Goražde ("Službene Novine BPK Goražde", broj 13/07), Načelnik Općine Goražde donosi:

### **RJEŠENJE**

o imenovanju predsjednika i članova Nadzornog odbora JP "Veterinarska stanica" d.o.o. Goražde

I

Za predsjednika i članove Nadzornog odbora JP "Veterinarska stanica" d.o.o. Goražde imenuju se:

1. Ermina Alić – predsjednik (iz reda osnivača)
2. Nedim Čengić – član (iz reda osnivača)
3. Svetko Begović – član (iz reda poljoprivrednih proizvođača)

II

Predsjednik i članovi Nadzornog odbora biraju se na period do tri mjeseca.

III

Ovo Rješenje stupa na snagu danom donošenja, a objavit će se u Službenim novinama Općine Goražde.

NAČELNIK OPĆINE

dr.sci. Muhamed Ramović

### DOSTAVLJENO

1. Imenovanim x3
2. Službenim novinama Općine Goražde
3. JP "Veterinarska stanica" d.o.o. Goražde
4. Oglasna tabla
5. u dosije
6. a/a

## SADRŽAJ

1148	<b>ODLUKU</b> o izmjeni Odluke o javnim priznanjima Općine Goražde	872
1149	<b>ODLUKU</b> o utvrđivanju naziva mosta preko rijeke Drine u naselju Osanica	872
1150	<b>O D L U K U</b> o usvajanju Programa utroška novčanih sredstava planiranih Budžetom Općine Goražde za 2014. godinu, na poziciji Izdaci za vojne invalide, ranjene borce i porodice poginulih boraca (boračke populacije) – Ekonomski kod 614-232 i na poziciji Beneficije za socijalnu zaštitu – Ekonomski kod 614-231.	873
1151	<b>ODLUKU</b> o usvajanju Programa utroška finansijskih sredstava Budžeta Općine Goražde sa ekonomskog koda 614 117 – Tekući transferi mjesnim zajednicama za 2014. godinu, u ukupnom iznosu od 50.000,00 KM	877
1152	<b>Z A K L J U Č C I</b>	878
1159	<b>RJEŠENJE</b> o imenovanju predsjednika i članova Nadzornog odbora JP “Veterinarska stanica” d.o.o. Goražde	881

---

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik sekretar Općinskog vijeća Općine Goražde, Samir Kanlić tel: +38738221161 i  
pomoćnik načelnika Služba za društvene djelatnosti, opću upravu i zajedniče poslove,  
Sanid Zirak tel: +38738221796.

Štampa **GRAFOMERX** Goražde